



Banja Luka 28.03.65.god.

Željezari Zenica

Na osnovu oglasa u novinama kao učesnik NOR-a iz Željezare Zenica, šaljem Vam tri kopije uvjerenja koje mi netrebate vraćati jer sam penzionisan 1961godine. U Zenicu sam došao 1941godine iz Čuprije. Zbog ilegalnog komunističkog rada morao sam napustiti Čupriju, (Srbija). Posle svršetka rata preživeli drugovi u Čupriji pozvali su me da se vratim natrag, a uprava šeaerane u Čupriji pozvala me je preko uprave željezare, da primim dužnost glavnog mašiniste (šefa mašinskog pogona) u šeaerani. Zato sam napustio željezaru Zenica.

Napomena

U željezari sam radio kao mašinista u kisikani u sve tri radne smjene. Zenicu je noću osvojila N.O. vojska i to 10.10.1943.godine, tj. poslije moga prijema dužnosti III smjene ušli su partizani u željezaru noću 22²⁹h. Objašnjavao sam parzizenima da je najnužnije sabotirati elektranu kao izvor pogonske energije a ne cijelu željezaru. Zajednički smo razorili kompresor u kisiksni i zapalili tehnički magazin i razorili pumpe-parne kotlovnice. Posebno je II bataljon osvojio elektranu i sabotirao je. Mi smo krenuli ka željezničkom mostu da ga miniramo ali se most nije mogao osvojiti a partizani su se povukli u brda a ja sam ostao u Zenici a zatim otišao u Doboju da se sklonim od ustaša i gestapoa koji su vodili istragu ko je vodio i pomagao partizanima, moglo se dogoditi da me je neko sakriven vidio kako vodim partizane i zajednički miniramo. Nakon mjesec dana javio mi je moj brat da me traži željezara na posao. Uprava željezare zadužila me je da demontiram kompresor stare neupotrebljive kisikane u Varešu i da isti popravim te da ga montiram, namjesto razorenog kompresora da se kisikana može staviti u pogon, taj rad su najviše forsirali okupatori, njemci. Sabotirao sam opravku i produžavao montažu. Kisikana treba da se stavi u pogon 1944godine za proizvodnju kisika. Izvršio sam na aparatu neprimjetnu sabotažu, izvedio sam jedan ventil i predao ga mom bratu ing. Vladimiru Jukić a zatim sam otišao u N.O. Vojsku. Uzalud su njemci tražili da se proizvodi kisik ali ga nisu mogli proizdoditi. Moje kolege nisu mogle pronaći da sam izvedio ventil, to najbolje zna Josip Lukačević jer smo zajedno radili kao mašinisti u kisikani a on je ostao u kisikani i vidio je kada je moj brat, poslije oslobođenja Zenice, došao u kisikanu i postavio taj ventil da bi se mogao proizvoditi kisik za naše potrebe.

Mnogo drugarskih pozdrava.

Jukić Andrija
Jukić Andrija

Banja Luka-N.Tesle 15